

# **Танловга: “Islom.uz - бу дин учун зарурат, миллат учун эҳтиёж, замон учун талаб...”**

14:37 / 19.04.2017 4289

وَرِيْحٌ رَّدَلْ أَقْثُمْ لَمْعَيْ نَمَافُ

**Бас, кимки дунёда зарра миқдорида**

**яхшилик қилган бўлса, (Қиёмат куни)**

**уни кўрар.** (Залзала сураси 7-оят)

Илм олиш ҳар бир мўмин учун зарур бўлган фарз амал ҳисобланади. Илм олиш ўта фазилатли бўлиб, бу ҳақида Қуръонда жуда кўп оятлар келган. Шулардан базиларини келтирамиз:

وَهُوَ الْأَكْلُ الْمُطْسَقُ لِابْرَاهِيمَ أَقْمَلَ عَلَى وُلُوفُهُ كَئِلَمْلَأَ وَهُوَ الْأَكْلُ الْمُطْسَقُ لِابْرَاهِيمَ أَقْمَلَ عَلَى دَهَشِيْكَ حُلْزِيْرَعِلَى

**«Аллоҳ, фаришталар ва илм аҳллари – адолат билан ҳукм қилувчи ёлғиз Аллоҳдан ўзга ҳеч қандай тангри йўқ, фақат Унинг ўзи борлигига гувоҳлик бердилар»** (Оли Имрон сураси, 18-оят).

Бу оятда Аллоҳ таоло аввал ўзини, кейин фаришталарни, сўнgra илм аҳлини зикр этди. Мана шунинг ўзи илмнинг шарафли, фазилатли ва улуғ эканини англаш кифоя қиласди .

Мужодала сурасининг 11-оятида эса:

تَأَجَّرَدَ مُلْعَلَةً اُوتُوْنِيْدَلَأَوْ مُكَنَّمَ اُونَمَآنِيْدَلَأَوْ فَرِيْعَلَيْلِيْقَادَأَوْ

**«Аллоҳ сизлардан иймон келтирган ва илм ато этилган зотларни (баланд) даражага мартабаларга кўтарур»** дейди.

Бу каби илмни фазилатловчи оятларни жуда кўп келтириш мумкин, лекин бизнинг мақоламиз илм ҳақида эмас, балки бугунги кунда мана шу илмни халқقا улашишда улкан кўмакчи бўлаётган Islom.uz сайти ҳақида.

Мақола сарлавҳаси бежизга танланмаган. Глобал шароитда замон ва унда яшовчи одамларнинг онглари ва яшаш тарзлари жадал суръатлар билан

ривожланиб кетмоқда. Ҳозирги кунда ҳамма жойда интернет ҳаётнинг бир бўлагига айланиб қолган. Илм эса сувдан топилган дур каби мукаррамдир. Лекин замон аввалги замон эмас. Авваллари илм аҳли кўча-кўйда одамларни йиғиб мавъизалар қилган, саҳоба ва тобеинлар ҳадислар айтишган. Бугун эса дунё ташвишига кўмилиб кетганлар илмни эшлишга фурсат ёки шароит етишмовчилигидан шикоят қиласидар. Бу эса илм олиш ва улашишнинг янги ва ишончли усулига бўлган эҳтиёжни ифодалайди. Бу нафақат бизнинг миллат, балки бутун инсоният, барча мусулмонлар жаҳолат ботғофидан чиқишлари, залолатдан қутулишлари учун исломий сайтларга эҳтиёж мавжудлигини ифодалайди. Бу билан илм беришнинг ягона йўли ионтернет деган ғояни илгари суришдан йироқмиз, чунки китоб ва устоз билан ўрганилган илмгина мустаҳкам ва натижали бўлади. Лекин ҳамма ҳам бу имкониятга эга эмас ёхуд ундан фойдаланишдан воз кечган. Шунинг учун, интернет орқали фойдали материалларни улашиш дин учун фойдадан ҳоли эмасдир. Албатта ҳаётимиз фаровонлигига ва мушкулимизни енгиллатишга ҳизмат қилаётга интернетнинг ҳам, анча салбий жиҳатлари мавжудлиги ҳаммага маълум. Илм борасида энг катта муаммо ишончлилик масаласидир. Интернетдан исталган нарсани, исталган манбаани топиш бугун мушкул эмас, лекин унинг ишончлилига кафолот йўқ. Дуч келган жойдаги жумлани ўқиб, уни илм ҳисоблаш дуруст эмас.

Бу ҳақида Аллоҳ шундай дейди:

وَمَنْ نَعَنَّ أَكَلَ كُلَّ لُؤْلُؤَ كَدَوْفَلَأَوَرَصَبَلَأَوَغُمَسَلَأَنِمْ لَعَوْبَكَلَسْيَلَأَمْ فُقَتَ الْوَلَوْ  
وَسَمَلُؤْلُؤَ

**(Эй, инсон), ўзинг (аниқ) билмаган нарсага эргашма! Чунки қулоқ, қўз, дил - буларнинг барчаси тўғрисида (ҳар бир инсон) масъул бўлур (жавоб берур). (Ал-исро сураси 36-оят)**

Мұхаммад ибн Сийрин айтадилар: **"Бу илм диндир. Динларингизни кимдан олаётганингизга қаранглар".**

Шу боис, биз учун ишончли исломий бир сайт зарур эди. У бошқа исломий сайт ва блоглардан, шунингдек ижтимоий тармоқлардаги синий саҳифалардан фарқли равища етук мутахассис ва тақводор уламолар иштирокида ташкил этилиши керак эди. Бу сайт Islom.uz бўлди.

Собиқ иттифоқ даврида инсонларнинг онглари анча заҳарланган, динга қарши уюштирилган тажовузларни жасида илмсизлик анча кучайган эди.

Аллоҳга чексиз шукурлар бўлсинки, давлатимиз мустақилликни қўлга киритди. Аммо бу билан ҳаммаси муаммолар ўз ечимини топмади. Давлатнинг иқтисодий, ижтимоий, сиёсий, ҳарбий ва бошқа муҳим соҳалари ўз мутахассислари томонидан босқичма-босқич ривожлантириб борилди. Аммо энг аянчлиси одамлар онгидаги илмсизлик оқибатида вужудга келган бўшлиқ эди. Президентимиз Ислом Каримов айтганларидек, "...бу дунёда табиатда ҳам, жамиятда ҳам бўшлиқ . қаердадир бўшлиқ пайдо бўлдими, ҳеч шубҳасиз, уни албатта кимдир тўлдиришга ҳаракат қиласи." Бу бўшлиқларни тўлдиришда "Фикрга қарши фикр, ғояга қарши ғоя, жаҳолатга қарши маърифат билан курашмоқ керак" шиори қўл келди. Олим-у уламоларимиз, аҳли илмлар бу илмсизликка қарши курашишди. Бу борада тан олишимиз керакки, Islom.uzning ўрни беқиёс бўлди. Таъкидлаш жоизки, бугун ҳам шу фаолиятни олдингидан анча жадал ва анча устунлик билан давом эттиromoқда. Бугунга келиб бу сайт қошида турли мавзуларга оид бир қанча сайтлар жорий қилинганки, бу миллатимиз, динимиз учун бир яхшилиkdir. Muslimaat.uz, halol.org, tib.islom.uz, savollar.islom.uz, fiqh.uz, siyrat.uz, oilam.uz, islam.uz, quran.uz, arabic.uz ва бошқалар шулар жумласидандир.

Сайтнинг афзаллиги фақат унинг манбаалар ва уларнинг ишончлигига боғлиқ эмас, балки сайтнинг қадри унингислом оламидаги ўзгаришлар, янгиликлар, исломнинг кашф этилаётган янги мўжизалари ва нашр қилинган янги китоб вааудио-видео маҳсулотлари ҳақидаги ахборотларнинг мунтазам янгиланиб боришидадир. Баъзи сайтларда жуда кўп исломий манбаалар жойлаштирилганига қарамай одамлар ундан камроқ фойдаланишади, боиси у сайтлар янгиланиб турилмайди. Islom.uz эса ҳар доим янги мақолар, фатволар ва долзарб мавзуга оид маълумотлар мунтазам бериб борилади.

Бундан ташқари ушбу сайт қошида ташкил этилган форум (forum.islom.uz) мусулмонларни бирдамликка чақиради. Бунда нотаниш мўминлар танишиб, ўзаро меҳр-оқибат ривожланади. Бунда турли янгилик ва фикрлар алмашинади. Бу форум иштирокчилари вақтларини беҳуда сарфламайдилар. Улар эзгулик йўлида бирлашадилар. Зоро Аллоҳ таоло **Моида сурасининг 2-оятида шундай дейди: "Эзгулик ва тақво (йўли)да ҳамкорлик қилингиз, гуноҳ ва адоват (йўли)да ҳамкорлик қилмангиз!"**

Яна , **Албатта, мўминлар оға-инидирлар.** (Хужурот сураси 10-оят)

Росуллуллоҳ (с.а.в.)дан ҳам бу борада бир қанча ҳадислар ривоят қилинган:

**“Мўмин мўмин учун бир-бирини ушлаб турувчи бино кабидир”**  
(Бухорий, Муслим ва Насойи ривояти).

**“Мўмин(лар) бир киши кабидирлар. Агар унинг боши оғриса, унинг ҳамма ери оғрийди. Агар унинг кўзи оғриса, унинг ҳамма ери оғрийди”** (Муслим ва Аҳмад ривояти).

Бу форумда улар турли мавзуларда сұхбатлашиш билан бир қаторда, ўзаро фикр алмашадилар, бир-бирларининг камчиликларини түғрилайдилар. Зоро Пайғамбаримиз (с.а.в.) **“Мўмин мўминнинг ойнасиdir. Мўмин мўминнинг биродариidir. У биродарига зиён келтирадиган йўлларни тўсади ва уни орқасидан ҳимоя қилади”** (Бухорий “Ал-адабул-муфрад”да ва Абу Довуд “Сунан”да ривоят қилган) деганлар.

Islom.uzning савол-жавоб портали ҳисобланган саволлар.Islom.uz сайти ҳақида алоҳида айтиб ўтиш жоиз. Бу саҳифада фазилатли шайх Муҳаммад Юсуф Муҳаммад Содик (ҳафизаҳуллоҳ) ҳазратлари мамлакатимизнинг турли бурчакларидан ва бошқа мамлакатлардаги дин биродарларимиздан келган саволларга жавоб берадилар. Айниқса меҳнат муҳожирлари учун бу ўта қулайликдир. Бу албатта ўта савобли иш, Аллоҳ улардан рози бўлсин.

Юқорида саналган ҳар бир сайт алоҳида-алоҳида мақолалар ёзиш мумкин, лекин сўзниng афзали мухтасаридир.

Яқиндан бу сайтнинг ташкил этилганига 10 йил тўлади. Бу йиллар албатта сарҳисоблидир. Лекин шу муддат давомида, бу сайт мутасаддиларининг сай-ҳаракатлари шарофати билан минглаб мусулмонлар анча илмларга эга бўлдилар. Ушбу сайт ҳодимларидан ва унга Аллоҳ розилиги учун жам бўлган мўминлардан, бу сайт ёрдамида бошқа мусулмонларга озгина бўлса ҳам илм ўргатишга интилганлардан Унинг ўзи рози бўлсин. Уларнинг оқибатларини ҳайрли қилсин. Ушбу сайт яна кўплаб йиллар давомида ўзининг нуфузини йўқотмасин, унга ва унинг мутасаддиларига ва уларнинг оиласаларига Аллоҳнинг раҳмати, барокати бўлсин. Албатта, Роббимиз ҳеч бир яхшиликни жавобсиз қолдирмагай, зоро Аллоҳ таоло Ўз Каломида шундай дейди:

فَمَنْ يُنَزَّلُ مِنْ رَبِّهِ فَلَا يُؤْتَهُ ثُمَّ يُنَزَّلُ مِنْ رَبِّهِ فَلَا يُؤْتَهُ ثُمَّ يُنَزَّلُ مِنْ رَبِّهِ

**Бас, кимки дунёда зарра миқдорида яхшилик қилган бўлса, (Қиёмат куни) уни кўрар. (Залзала сураси 7-оят)**

**Зоҳид Мирзо**